

ᐸᐸᐸᐸᐸᐸᐸ Pauktuutit

ᐸᐸᐸᐸᐸᐸᐸᐸ ᐸᐸᐸᐸᐸ INUIT WOMEN OF CANADA

Tukihivet-mik: Tukiheavin?



ᐸᐸᐸᐸᐸᐸᐸ
PAUKTUUTIT
INUIT WOMEN OF CANADA
ᐸᐸᐸᐸᐸᐸᐸᐸᐸ

Tukihivet (Tukisiviit) Naetomik Unipkaak
(2012-min 2014-mun)

ILITAGIYAORYUN

Una *Tukisiviit – Tukiheavin?* Inoen Nuleaknikun Aneaktaelinikun Okaheoyonik Katimanik pihimayok Happy Valley-Goose Bay-mi Newfoundland Labrador-mi, February 6-min 8-mun2012-mi. Una ihoakhaktaohimayok Pauktuutit-konin Kanatamilo Inoen Aokluknikun HIV-mik AIDS-miklo Aneagutikaktonik Pilikiyin (CIHAN), havaakaktun kivgaktokteovlotik Pauktuutit-konik piyotikaktonik Aokluknikun Aneagutaoyonik atugitaagani, monagiyotiniklo, eyaniklo piyageakakata ikayoktoevlotiklo inuknik.

Okaohilikinikun katimayin hatkikhimayun manikhaktitmagin ikayoktokhogin Aneaktaelinikun Havakveoyomin Kanatami (PHAC-kon). Ihomagiyayun uvani ihomagilaogitagaloen Kitulika Aneaktaelinikun Havakveoyumin Kanatami.

Koanakun atuni ilaoyok Kanatami Inoen Aokluknikun Aneagutikaktun HIV/AIDS-nik Ikayoktigen:

Sharon Edmunds, Nunatsiavut Kavamanin, Aneaktaelinikun Ayokhaktulikiyilo Pivaleayun, Goose Bay-mi NL-mi
Faye Legresley, Nunavik Aviktokhimayomi Aneaktaelinikun Ayokhaktulikiyilo, Kitulika Aneaktaelinikun Havakveoyok, Kukoami, QC-mi
Obad Anoe, Nunalikni Aneaktaelinikun Kivgaktokti, Akveani Monakhini, Akveani, NU-mi
Harry Adams, inugeakpalagitonik kivgaktokti, Montreal-mi QC-mi
Sherry Kadlun, Nunalikni Aneaktaelinikun Kivgaktokti, Kugluktumin, NU-mi
Ighah Sanguya, Nunalikni Aneaktaelinikun Kivgaktokti, Kagiktogaapikmi, NU-mi

Koyagiyavulo ukoa timeoyun kavamano ilaokmata okao-hikakhotiklo kaoyimayamiknik:

Anna Fowler, Inoen Tapigen Kanatami (ITK-konin)

Selma Ford, Inoen Tapigen Kanatami (ITK-konin)

Patricia Kemuksigak, Ministaoyok Aneaktaelinikun, Nunatsiavut Kavamanin

Silpa Edmunds, Iniknik, Postville-min

Rita Andersen, Nunatsiavut Kavamanin Havakveoyomin Aneaktaelinikun, Nain-mi

Sophie Keelan, Nunavik Aviktokhimayomi Katimayin Aneaktaelinikun Ayokhaktulikiyilo (NRBHSS-kon)

Jasmine Redfern, Nunavut Tungavik Timeoyomin (NTI-kon) Kanatamilo Nunakakaktun Katimayin Aokluknikun Aneagutikaktonik HIV/AIDS-nik (NACHA-kon), Inoenaknin Katimayoni

Joan Killulark, Nunalikni Aneaktaelinikun Kivgaktokti, Kamanikoamin NU-mi

Katimayin Monaktinik Aneagutikaktonik Utokun Uhoakulo Analo Higaeyohenik Kanatami (SOGC-kon)

Aileen Moorhouse, Nunavikmi Nutakeoktonik Ikayoktin Katimayini

Mary Nastapoka, Sikuktok Nutakeoktonik Ikayoktimin, Inukyoamin, Nunavik-mi

Mary Bergin, Nunalikni Kivgaktokti Atangoyak, Inoen Tutakvigani, Kanatami Nunakakaktun Aneaktaelinikun Timeoyomin (NAHO-kon)

Merv Thomas, Kanatami Nunakakaktun Aokluknikun Aneagutikaktonik Havakati-genin (CAAN-kon)

Melisa Dickie, Kanatami Aokluknikun Aneagutikaktonik Havaotini Hivonikhiyotini Okakatigeknikun (CATIE-kon)

Marc Arseneau, Havavikmin Aneaktaelinikun Ayokhaktulikiyilo, Kavamani Nunavumin

Scosha Diamond, Aokluknikun Aneagutikaktonik Labrador-mi

Andrea Webb, Tuhani, Nunatsiavumin

Hilda Lyall, Tuhayi, Nunatsiavumin

Joe Otokiak, Tuhayi, Oalikheanin Ukeoktaktomi

Sarah Asivak, Happy Valley-Goose Bay-mi

Johnny Kuluguqtuq, Aviktokhimayomi Nunalikni Aneaktaelinikun Pivaleaniganik Ihoakhaeyi, Kavamanin Nunavumi

Dr. Catherine Dixon, Nunalikni Katimayin Aneagutaolaktoktonik Pilikiyin, Ayogitun Maligoagakhaenik Kitululikka Aneaktaelinikun Piyohikhaenik Havakveoyok, Kitulikka Aneaktaelinikun Havakeoyomi

Kazimiera Adamowski, Havaami Kivgaktokti, Iglukpan Aetutaolaktoktonik Aneagutikaktonik Amigiyaganilo, Kitunilikaa Aneaktaelinikun Havakveoyok Kanatami

Kigulikmik, koyagikpeaktavun Pauktuutit-kon havakatigen,

Elisapee Sheutiapik, Ikhivaotalik, Tracy O'Hearn, Tikomoaktituyi, Geri Bailey, Ataneoyok, Aneaktaelinikun Pitkohikhanik Havaaniklo, Annie Aningmiuq, Havaamik Ihoakhaeyi, Nuleaknikun Aneaktaelinikun, David Boulton, titigakti unalo Phillip Bird, kivgaktokti.

Nanminigiyaan ©Pauktuutit-kon Inoen Aknan Kanatami
July-mi 2012-mi

ISBN# 1-894396-85-5

TUKIHIVET-MIK: TUKIHEAVIN? TUKIHIVET (TUKISIVIIT) NAETOMIK UNIPKAAK
(2012-MIN 2014-MUN)


Pauktuutit Inuit Women of Canada
520-1 Nicholas Street
Ottawa, Ontario K1N 7B7

Hivayaon: (613) 238-3977 | Aketomik: 1-800-667-0749 | Kayomiktokun: (613) 238-1787

www.pauktuutit.ca

TALVANI OKAOTAQYUN

Hivonikhiyutin	2
Pilgaagutaoyun	3
Aolaktigeagutaen <i>Tukihivet-mik</i> Havaak	4
Atoligumayaenik Opalogaeyaon	5
Kanoginiganik <i>Tukihivet-mik</i> Havaak	5
Havaami Ihomakhakheoktin Kamiteoyok Ikayoktigiyaelo	8
Tukihivet-mik Okaohilikinikun Katimanik	9
Haavigeakniga <i>Tukihivet-mik: Tukiheavin?</i> Tukitaagutin	13
Tuneokhknigin Tukihivet-mik Tukitaagutin	15
Havaamik Ihigeokhiyotin	16
Iniknigutin Tukleoyulo Aplogeagutikhan	18



“*Inoenaktun ikayutaoginaktok ikayutaoneaktoklo okaktilikteoyonik nuptigiyeoyoniklo aneaktoniklo tamaenik. Ayogoegutikhan havaagiyakni aneaktun okaohenik aalatkeniklo okaohenik atoknikateaktok tamaptikni ayoenikaktogun okaohilikinikun Kanatami. Takukhaoyotaoyok ayoenigiyaptiknik monakhiteagutigiyaptiknilo ikayoktugeagani AOKLUKTUN ANEAGUTIKALIKTULO ikayogeagani monagiyaonigini.*”

Ilaoyok: Tukihivet: Kanatami Inoen Nuleaknikun Aneaktaeliyotunik Okaohilikinikun Katimakyoaknik (February-mi 2012-mi)

HIVONIKHIYUTIN

Pauktutit-kon Inoen Aknan Kanatami hivulikhoaktun kanatami timeoyoni okaohikaktun Inoenaknun togaagayonik nuleaknikun aneaktaeliyotunik AOKLUKNIKLO ANEAGUTIKALIKNIKLO ihomagiyayonun Kanatami. 1995-min, Pauktutit-kon nutaanik havaakaktun ukoa okaotaokatagitun takukhaovaaligeagani kitulikaa aneaktaelinikun kaoyimayakhaenik aneagitaaganilo Inoen. Una unipkaak okaohikaktok inikhimayaenik tikitaeniklo Pauktutit-kon *Tukihiven* Inoen Nuleaknikun Aneagitaagani Okaohiyonik havaamik hatkikniganiklo *Tukihiven* taeyuhenik tukitaagutinik.

Ukeoni, Pauktutit-kon okakatakhimayun ihageagiyaoniganik atoenaktonik inuhikmi havaanik piyotikaktonik ayikotakagitonik ilitkohikmik, okaohikmik, nunagiyaoyomik manikhakheogutinilo kanoginiginik Inoen inuyun Inoen Nunagat-ni Kanatamililo hivogaani inugeakpalaagitoniglukpakakvikni.¹ Tamaeni huliyotinilikaa piyotikaktun Inoen aneaginigagun, ihoaktoktun tohaomayotin atoknikaktun aneaktonin monakhinilo. Pauktutit-kon ilitakhiyun ihageaginiganik atoknikaktonik ilitkohiknilo ihoaktonik ikayutikhanik kahaktoniklo tukiheanateaktuni okaohikni Kavlonaatun atokloaktunilo Inoenaktun okaohiyonik. Ukoa ihoaktotun ikayutaoyok havaaginik monakhin upitkaktulo piyaagani nakuyonik, kaoyipkaeteaklotik monakhiyotunik, ikayutiniklo, atokpaaligeaganilo aginikhamik aneaktaelinikun okaohiyonun Inoenakni. Pauktutit-kon ihoakhaehimayun *Tukihiven* –mik: *Tukiheavin?* Kavlonaatun Inoenaktulo taeyuhiknik ikayogeagani aneaktonik monakhiyun okateageagani tukiheayaoyonik atoenaktoniklo Aukluknikun nuleaknikulo aneaktaelinikun okaohiyonun pitkoheoyulo ihoaktomnik nalaomateaktomiklo piyotikageagani.

Tukihivet havaak piyotaoyok atoktukhamik nunagiyaoyoni ayogeageagani. Atoknikateaktok naonaetonik atokniginik upiyotaoyok havaak ikayoktutin nunanilo, aviktokhimayonilo, kanatamilo ilaoyonin havaak opalogaeyaktaotilogo amigaeyaktiktaotilogo inikpaleaniganun. Pauktutit-kon nalaktun ilitutiklo, hanakivlogolo una atuteaktok ihomaleoknikmi. Kigoagun ihoakun igilgun nuleaknikun aneaktaeliyotimik tukikateaktomik atoknikateaktomiklo nunagiyaoyoni.

1. Inuit Nunangat agilgagiyayoyok hitamanik aviktokata inugeaknigin 59-taosan 4-hanat 45 inoen, pigahukmata hitamanin Inoenaknin inuyunik Kanatami (Naonaeyaotilikiyin Kanatami, Iglumeoyonik Ilitokhaenik 2011-mi). Inone Nunangat Labrador-min Nunateamun itok hitamaovlotiklo aviktoknigini: nunatsiavut, Nunavik, Nunavut, Inuvealoelo nunagat.

HIVONIKHIYUTIKHAN

Aktokniga nuleaknikun heamayaotaoyok aokulo anealakiyotin (STBBI-goyun), ukoalo Aokluknik, Nuleaknikulo Aneagutin tigukluknik C-lo, aneaktaelinikun ihomalutaoginaktun Inoenaknin. Taemaeliniganik aolakakaktun hivugaanin ukeoktatomilo nunagiyaoyonin, akhugutaoyun aneaktonik ikayutin inugeagitoni nunagiyaoyoni, amigaenikhaovlotiklo nuleaknikun ihoenagutaoyun, Inoen manivaktun nuleakniun aneagutaolaktonik (STI-nik)² Kanok amigaenigin Aoklukntun aneagutikaktun Inoen kaoyimayaogitkaloakhoni, STI-kaktun amigaetun, ukoalo ilagiyae inuheoyun.³ Pauktutit-kon ilitokhaotaen naonaegutaoyok kamahuknik, ihomagiyakateagiyotin, naguhutilo inuknik ayokhaotaoyun atogitaagani, kaoyimateageagani, ilihaknikmilo havaanik. Amigaetun Inoen okakatayoenmata nealniknikun aneaktaeliyotini ihomagivlogolo okaotaoyok inmiknenak okaohigiyohanik. Pikaginiga ihoaktonik Inoenaktun taeyotini ihomagiyayoniklo ilageagutaoyun ayokhaotimi.

Inoen, ilagen, monaktilo piyageakaktun hivonikhiyutikhanik havaotikhanik ikayutikhaniklo ihageagiyaoyonik monagiyaagani STBBI-goyun STI-lo, pikaginiga ilitkohikmi okaohikmilo ihoaktonik hivonikhiyutikhanik ayokhaotaokmata atogeagani aneaktaelinikun monagiyotini atoktonik, iniktigeagani aneaktun titigaakhaenik, piyaagani aneaktonun hivonikhiyutikhaenik nalohoektonin agigutini monaktinu, ayokhalipakmatalo tikiheateageagani maligoageaganilo aneaktonun atokoyaoyun havaotini atoktukhanik. Ilalo, monaktin, okaktiliktoeyun, nuptigiyulo pikaginmata nalaomayonik atoktaoginaktuniklo taeyuheoyonik okaohigiyakhaenik Inoenaknun aneaktonun ukuniga nuleaknikun aneaktaelinikmik, atogitaagani, havaotikhalo. Pikagitpata ukoa ihoakotin, ayoknakman Inoenae in ikayoktigatekataoyaamikni nanminik aneaktaelinikun monagiyotikhamiknik.

Akungani 2006, 2011-lo, amigaenigin Inoen Kanatami amigaekhimayun avatkomayomik 18%-min.⁴ 34%-lo inugeaknigin nukakheotkiyan 14-nik ukeoni 54%-lo nukakheotkiyan 25-nik ukeonik, amigaenikhan inoen taya nulealiktun. Taemaetilogo, nuleaknikun aneaktaelinik Aoklukniklo Nuleaknikulo Aneagutin atogitaagani ilihaotikhalo nutkakhimaetomik atokhimageakaktun kaoyivaaligegani aneagutaolaktonik.

Inoenaktun okaohik ilagektun aalatkeyvaknik taeyohikakhotik nunani kitunilikaa ilanilo nunagiyaoyonin hanilikheanun. Atoknikakloaktok, ila Nunavumi Nunavikmilo. Atokan 2011-mi Kititiyotin, kanitoani 80%-mik Inoen okaktun Inoenaktun okaohikaknigakhotik agilgamikni. Hulilo 15%-goyun okaktun atoknigakhotik Inoenaktun aheaniklo okaohikmik agilgamikni. Ataotimun, 35-taosan 5-hanaoyun Inoenaktun okayuktun Kanatami.

-
2. Inugeagitoni nunagiyaoyoni, ukeokaknigin ayikeniklo ukeokaktun ikitun ataotin inoen nulealak-tun aalat nuleaginik unalo heamayaotaolaktok STI-nik STBBI-niklo. Nunagiyaoyuni aneaktonik monakhin kaoyimakmata amigaenikhanik inuknik ilagiyaeiniklo, ihomalutaoyok angeagiyotimik ilitagiyaoginiklo naonaeyaegaagata ukuniga aneagutini.
 3. Ila, Nunavumi 2009-mi, aneagunikpaleayun Utukmi 15-nik amigaenikhaoyun tamaeni Kanatameotani Uhukmilo aneagutikaknik 45-nik amigaenikhaoyok. 2011-mi, STI-goyun kanitoani 75%-guyun amigaenigin tamaeni okaotaoyonik Nunavumi (Havakveoyok Aneaktaelinikun , Kavaman Nunavumi (2013-mi). *Nuleaknikun Tunihiyotin Aneagutini Nunavumi – 2006-min 2011-mun.* (URL: <http://www.irespectmyself.ca>).
 4. Naonaepkotikakvik Kanatami, Kanatami Iglumeoyunik Naonaeyaotin 2011-mi..

HUMIGAKNIGIN TUKIHIVET HAVAAK

Una *Tukihiven* Inoen Nuleaknikun Aneaktaelinigagun Okaohilikinik havaagulikhimayok 2011-mi manikhakhotik atogeagani Kitulikaa Aneaktaelinikun Havakveoyomin Kanatami (PHAC-konin) Nanminik Nunagiyamiknegitun Itkilgin, Inoen, Kavlonakalo nunagiyaeni Aokluknikmik Nuleaknikulo Aneagutinik (HIV-mik AIDS-miklo) Havaan Manikhakveanin. Havaak ilagiyaa Pauktutit-kon hivuleoyoni Nuleaknikun Aneaktaelinikmik Ayogoegutinik – ukoaloan 2008-min 2010-mun havaan taeyaoyun Ayogeakpaaligeagani Nuleaknikun Aneaktaelinikmik havaagilaalikniganik Ihoakhaevlotiklo Ikayokteonaktonik Nunagiyaoyoni ukoa Inoen Inuyun HIV/AIDS-kaktun. Una kigulik havaak piyotaoyok aviktokhogilo Inoenaknun piyotikaktonik atogitaagani, ilihaotin, hivonikhiyotikhalo hanahimayun kiniktaoyolo ayogitun ihomakhakeogutaen talimani ukeoni atoligumayamiknik opalogaeyaonmik nuleaknikun aneagitaagani. Hakugikhivaaligeagani ihoakhakniga atoligumayaoyunik opalogaeyaon, Pauktutit-kon talimaektokhotik katimapkaehimayun naonaeyageagani Inoen kaoyimayaenik, ihomagiyaaenik, kanogileoguhenkilo ukoniga HIV-nik AIDS-niklo. Piyotaoyok ihoakhageagani atoligeaklogolo kitulikaa aneaktaelinikun ilihaotinik atuligumayaenik ikayutaaloaktomik inuyuheni aalagukpaleaniginik Inoen.

October-mi 2009-mi, Pauktutit-kon ihoakhaehimayun hivulikmik Inoen Kanatami Pikohilikivikmik Katimakyoaknikmik Nuleaknikun Aneaktaelinikmik Ikalokni, Nunavumi. Katimavik tungavileote-agutaoyok pivaleaniganik Inoenakun piyotikaktomik atuligumayaenik oplagaeyaonmik. Inikhi-mayok atulihaalikman 2010, una *Inoen Talimani Hivitoyomik Atuligumayaenik Opalogaeyaon uvuna Nuleaknikun Aneaktaelinik* (2010-min 2015-mun) ataneoyonin ihoakotaoyok piyotaoyomik taotuktuyaaktaenik, havaakhiyotimik, havaagulgaaktukhanik, atuligumayaeniklo hivunikhaan Pauktutit-kon havaagenaktaenik HIV-nik AIDS-niklo, STBBI-niklo havakatigekniginiklo PHAC-kon ahelo ilaoyun.⁵ Atokloaktok piyotaoyok okaohigiyaagani Inoen kaoyimayaenik, ihomagiyaaenik, kanogileoguhenkilo ukoniga aneagutinik kanoklo ikiklivaaligeagani ihomaloknaktun inuyuheni.

Inoen Kanatami Pikohilikivikmik Katimakyoaknikmik Nuleaknikun Aneaktaelinikmik ukoalo kanogilivaleanigagulo atuligumayaenik opalogaeyaon tikoakhiyun okaohikmik taeyuheni havaagiyaalgaktukhak. Unaloak, atuligumayaenik oplagaeyaon tikoakhiyok ihageagiyaoniginik ukuniga:

- Nutaan atoktaoginaktun Inoenaktun tikitaagutin naonaktonik taeyohiknik;
- Nunalaani piyotikateaktun tukitaagutin Inoenaktun taeyuheni;
- Tukiheanaktun okaohiyoynik tukitaagutin atuni aalatkeni okaohikni;
- Atoginigin ihoetun taeyuheoyun;
- Atulivaaknigin Inoenaktun okaohiknik atoknigin ilihaknikmi kaoyiyotilo hunalika takukhaoyaagani nutaan atoktaoyun.

Piyageakakniga nalaomayun Inoenaktun taeyuheoyun ilitagiyaohimayok avatkotun 25-n ukeon. Amigaetoni aneaktolikiyotini taeyuheoyun nuleaknikun aneaktaelinikmik ikitunik ayikotaenik taeyohikaktun Inoenaktun okaohikmi. Ilaa, Inoenaktun okaohik "HIV-mik aneagutikaknik" una "mamilaetok aneagun" ayikotaa taeyuheoyun "kagutimik." Taemataok, okaohik "vulva" taeyohikaktok "uloaktun ituyaaktomik." Ilagin Inoenaktun aneaktolikiyotinin tukitaagutini kahakgalaokhotik, ilagin taeyuheoyun okateaktaovlotik atokhotiklo kanitoane honaoniginik atogitotik taeyohiknik. Tamaeni, pikagitok aneaktolikiyotinin taeyuhiknik okateagutinik kahaktonik Inoenaktun okaohiyoynaktonik Aokluknikmik Nuleaknikulo Aneagutinik unalo nuleaknikun aneaktaelinik.

5. Ayikota *Inoen Talimani Ukeoni Atoligumayaenik Opalogaeyaon Nuleaknikun Aneaktaelinikmik* kahaktok Pauktutit-kon kungealeogaeni kagitayami : <http://pauktutit.ca/health/sexual-health/>

ATOLIGUMAYA OYOK OPALOGA EYAON

2010-mi, Pauktutit-kon hatkikhiyun *Inoen Talimani Ukeoni Atuligumayaenik Opalogaeyaonmik Nuleaknikun Aneaktaelinikmik*. Opalogaeyaon havaagilgagumayaa kaoyivaaliknik, aneagitaagani atoktukhanik, aneagitaagani, ilitokhaenik monagiyotilo, amikhiniklo ilitokhaeniklo. Ukoa ilaolikhimayun iloani tamaan agutinin aknanilo koyaginak okaohigigitaen ilitakhoyotin ayikotak-agitomi inuhikmi avataoyomilo naonaegutin aneaktaelinikun Inoen nunagiyaeni. Kanoginiga ayokhaotaoyum ikayokatigegutaoyageakaktok Pauktutit-kulo havakhimayun upipkageagani aalatken kavamaoyun, nunagiyaoyuni aneaktaelinikun katimayin havakveoyulo, ilihaktolikiyin katimayin, aalatkelo Inoen timigiyaen nunagiyaelo, Nunakakaktun Nunakakagitulo HIV-nik AIDS-niklo timeoyun, nanminiklo havakveoyun.

Havaagiyaolgaknikhaa nalaomayonik Inoenaktun taeyuhiknik okaotaoyok atoligumayaeni opalogaeyaonmi hatkigutaoyok *Tukihivet*-mik Inoen Nulelaknikun Aneataeliyotini Okaohiknik havaamik.

KANOGINIGA TUKIHIVEN-MIK HAVAAK

Kinalikaa inuk ihomakhutikaktok nakuyonik ihoaktoniklo ikayutikhanik atuligaagamik aneaktunik monagiyotin. Kigeani, ilagin Inoen kaoyimagingmata okaohikniklo HIV-nik AIDS-niklo kagugugaekpan atogeakaktamiknik monagiyotini, havaotini, ikayutiniklo. Inoenaktun okaohik ayikotagiyokitaen ilagin Kavlonatun taeyotin kiheani ukoa nuptigutin pikalaetun hivonikhiyotiloanik tukitaagutaanik taeyutim. Pikageakaktok atoktaoginaktunik nutaanik Inoenaktun aneaktolikiyotinin taeyuhenik ila okaohiyeonik nuleaknikun aneaktaelinikmik.

“Ihoaktomik okakatigiteakata kivgaktogaoyun tukiheayuhen maligoateaknigilo ihoakhivaalikneaktun. Monagiyaoneaktun atoenahtonik nanminiklo okaohikmiknik okaoyuktaovakomik. Una ikayun heamayakneaktok nakuniga – ihoaktok aneaktonik monakhiyun tamaenin ilaoyonin.”

Ilaoyok: Tukihivet: Kanatami Inoen Nuleaknikun Aneaktaelinikmik Okaohiknik
Katimanik (February-mi 2012-mi)

Iniktigutaoyok *Tukihiven* Inoen Nuleaknikun Aneaktaelinikmik Okaohiknik havaak ihoakhageagani ilitkohikmi taeyuhenilo ihoaktonik aneaktolikiyotini ikiklivaaligeagani okakatigeknikun ayokhaotaoyun HIV-nik AIDS-niklo nuleaknikulo aneaktaelinikmi. Nalaomayun Inoenaktun taeyohen amigaegutaoneakman Inoen aneaktaelinikun okaohen, aneaktun anigitaagani, ayogeageaganilo monakhin ilitkohikmi okaohikmilo ihoaktonik ikayutinik. Ilalo, nalaomayun taeyuhen ikayutaoyok okaohik ilipkamayaagani ilitkohivlo kanogituniga.

“Una atoknikateaktok pihimayaagani aneaktaelinikmik havaani, ila talvaniloek – piyotikateatkok ihoakotini pikageagani piyotikakata inoen aneaktaeliyuhenu kahageagani okaohikmikni inoen taeyuheni. Atoknikateaktok.”

Kaoyipkaeyok: Tukihivet Havaamik Naonaeyaotin (January-mi 2014-mi)

Una *Tukihivet* havaak ihivituyaaktok malgukni pigeagutiknik. Hivolik havaak 18-ni tatkihheotini atoktuk (2011-min 2012-mun) malguvlotiklo havaagiyaoloaktuk:

1. Opalogaeyakniga, ihoakhakhogin, katimapakavlotiklo kanatami Inoen HIV-mik AIDS-miklo okaheoyonik taeyuhenik katimanik;
2. Ihoakhaknigin tuneokhaknigilo kavlonatun Inoenaktulo titigakhimayun *Tukihiven*: taeyoheonik HIV-nik AIDS-niklo okaheoyun hitamani atokloaktonik Inoen okaohenik atokhotik.

Aolanikateakniga hivuleoyum havaam ikayoktukaoniganiklo nuleaknikun aneaktaeliyotini ayoetunin, aneaktaelinikun timeoyonin, ahenilo ilaonikateaktonin akhukhayaoyok PHAC-kon atokhimaginageagani havaak 18-ni tatkihheotini huli. Piyotaoyok tukleanik havaamik pivikhakageagani piyotin atoknigilo taeyuheoyun. Tuklea havaak (2012-min 2014-mun) piyotikaktok pigahunik havaohiloanik:


1. Havaagivlogo inuknin meovigaoyaagani tohaktiyotini atuligumayaan agiklivaaligeagani atoktaonigin atokaovaaligeaganilo taeyuheoyun Inuknin monakhinilo;
2. Atoenaktok havakatigeknik upipkaeyotilo ilaoloaktonin ikayoktinilo;
3. Naonaeyaklogo havaak ilitogiyaagani tuneokhaknigin, toknigin, piyotiginigin, aktoknigilo ihoakotin.

Tukihiven Kavlonatun Inoenaktulo taeyuheoyun kahaktukhaoyun, atoenaklotiklo ihoakotin. Ihoakun nutaguktiktaoneakuk okaheoyun, aneaktulikiyotin, aneaktaelinikulo taeyoheoyun piyotikaktun HIV-mik AIDS-miklo hatkikpaelaginakan agiklivaaleakpalo. Taeyuheoyun piyotaoyok aneaktonik monakhinin, okaktiliktoeyonin, nuptigiyoyonilo nalaomayonik tukiheateaguminaktoniklo taeyuhiknik ihoakhivaaligutaoneaktok monakhiyotini Inoenaktun ilaopakpaaliklogilo ikayoktoelotik nanminik aneaktaelinikun monagiyotigiyamikni.

Hivonkhiyutikhan Pikaknigilo *Tukihivet* –mik Nuleaknikun Aneaktaelinikmik Taeyuhenik Havaak

HAVAAK:
2008-min
2010-mun

Amigaekpaaligeagani Nuleaknikun Aneaktaelinikmik Ayogoetutin Ayokiktoklogilo Ikayoktoktun Nunagiyayuni ukuniga Inoenaknik Inuhimaktunik Aoklokhotik Nuleaknikulunen Aneagutikaktun Havaa




HAVAAK:

Tukihivet Inoen Nuleaknikun Aneaktaelinikmik Okaohoyun

2011-min
2012-mun

HAVAAK 1




HAVAAK:

Tukihivet Inoen Nuleaknikun Aneaktaelinikun Okaohoyun

2012-min
2014-mun

HAVAAK 2



HAVAAMI IHOMAKHAKHEOKTIN KAMITEYOYOK IKAYOKTILO

Atokloaktok tamaeni aneaktealinikun havaani ilakaktonik Inoenaknik una havakatigeteaknik ilaoyulo ayogitulo. *Tukihivet* –mi havaami, Pauktutit-kon hatkikhiyun Kanatami Ihomakhakheoktinik Kamiteoyomik ikayugeagani upipkaklogin nunagiyaoyoni, aviktokhimayoni, kanatamilo ilaoyun kanoklo ineakniganik pivaleaniganik taeyuheoyonik katimanik kigoagulo taeyuheoyun. Ikhivaotagiyaovlotik Pauktutit-konin, kamiteoyok ilakaktok ilaoyonik Kanatami Inoen HIV-nik AIDS-niklo Havakatigenik (CIHAN-kon) kivgaktogeagani hitaman Inoen nunagiyaen kavlonan-etolo Inoen inulgamelo. Kamiteoyok kaetkoeoyok kivgaktoktinik amigaetonin timeoyunin kavamanilo havakveoyonin ilaoyaagani *Tukihivet* –mi: Kanatami Inoen Nuleaknikun Aneaktaelinikun Okaohilikinikmik Katimakyoaknik. Ukoa ilakaktok Kavamanik Nunavumi, Nunavut Tungavit-konik, (NTI-kon), Inoen Tapigen Kanatami (ITK-kon), Kanatami Nunakakaktun Aneaktaelinikun Timeyok (NAHO-kon), CATIE-kon, Kanatamilo Nunakakaktun AIDS-nik Havakatigen (CAAN-kon). Ukoalo, pivikhakaktun kaepkageagani okaohilikinikun ayogitun monakhinilo okaktiliktoeyun tamaenin hitamanin nunatakveoyonin nunanin okaohiniklo aoyoetinik PHAC-konin Itkiliknin Inoelo Aneaktaelinikun (FNIHB-konin).

CIHAN-kon hatkikhimayun 1999-mi kivgaktokteovlotik Pauktutit-konun piyotikaktonik nuleaknikun aneaktaeliyotitik, HIV-nik AIDS-niklo, tigukluknik C-miklo. Igalaguyuyaktok Inoen nunagiyaenun, atolaaligeagani okakatigeknik hivonikhiyotitiklo atogeagani nunalikni nunagiyaoyonilo. Ataotimi, Pauktutit-kon CIHAN-kulo havakatigektun kaoyiyotitik, ikayoktokhogilo aneaktonik monaktin, ikayokhogilo Inoen aneaktaelinikun kungeakven AIDS-niklo pihoktonik, hikhakhogilo Inoen.⁶

Pauktutit-kon ikayotikakhaktun CAAN-konik. Unatoak ilitagiyaohimayok kanatami Nunakakaktun AIDS-nik timeoyomik pivikhakagutaoyok Pauktutit-konin ukoa ihomagiyayen ihageagiyaalo Inoen ilaoyaagani kanatami pitkohilikiyotini. Pauktutit-kon piyotikaktun vutigeagani Nunavumin kivgaktoktikhamik CAAN-kon Katimayeni Hivolikhoktini.

2004-min, Pauktutit-kon CATIE-kulo havakatigekhimayun HIV-nik aneagutikagitaagani, monakhiyotikhanik, monagiyotitik, ikayoktutitik Inoenaknulo. CATIE-kon atoknikateaktok atokveoyagani hivonikhiyotikhanik ihoakotitiklo HIV-nik AIDS-niklo STBBI-niklo piyotitik ikayoktukhimakmatalo Pauktutit-konik nuptigiyotitik tuneokhaeyotitiklo Inoenaknun togaagayonik ihoakotitik.⁷

Pauktutit-kon havakatikateaktulo ITK-konik, kanatami nipigiyaoyok Inoenaknin inuyunik hitamani nunatakveoyoni Inoen Nunagani. Tamakmik Pauktutit-kon ITK-kulo ilaoyuk Kanatami Inoen Kamitigiyaani Aneaktaelinikun (NICoH-mi), naonaeyaeyin Inoen aneaktaelinikun havaagilgagumayaenik kinikheavlotiklo Inoenaknun piyotikaktonik ihoakhaotitik.⁸ Pauktutit-kon kaoyipkaktitaen NICoH-kon tamaenik havaoheoyonik havaami tohagumavlotiklo okaohenik maligoagakhaniklo nunagiyaoyonin, aviktokhimayonin, kanatamilo ilaoyonin.

Ilagivlogo amihonun upiyotitik aolanik, okaohilikiyin ayoetun tamaenin hitamanin Inoen nunagiyaenin kaetkoyaoyun kanatami taeyohilikinikun katimakyoaknikmi. Ilalo, nuleaknikun aneaktaelinikmik okaohinik ayoetun, nunagiyaoyoni aneaktonik monaktin ayokhaktulikiyilo, AIDS-nik ikayoktuktonik timeoyonin, iliaeyinin, inikneoyonin, inulgamiknilo, kivgaktoktinilo nunataknikun timeoyonin kaetkoyaoyun okakatigegeagani kanoginiginik taeyuheoyoniklo aalatkenik nuleaknikun aneaktaeliyotitik HIV-nik AIDS-niklo piyotikaktonik okaohinik, tukitagutinik, ihomagiyayoniklo hitamani nunani okaohigiyayenik Inoenaktun.

-
6. Pauktutit-kon kivgaktoktun CIHAN-kon titigaktigivlogo, pivlotik ikayoktigenik manikhaenik titikikiyotitiklo ikayutinik ikayoktokhogilo ilaokatigiyatik atokatigegeagani hivonikhiyotikhanik.
 7. Kaoyimayaoyageakaktok ukeoni CIHAN-kon, CAAN-kon, CATIE-kulo nutaaguktikhimayaen havaagiyatik agitkiyaanik HIV-goyun AIDS-goyulo ilakaligeagani tikukluknik c aheniklo STBBI-nik.
 8. NICoH-mi ilakaktok kivgaktoktinik tamaenin hitamani Inoen Nunataknikun Timeoyonin kivgaktoktilo ITK-konin, Inoen Ukeoktaktomi Katimakyaoaktenin, Pauktutit-koninlo.

“Titigakhimayok okaohenik atokhotik nunani, ayoknaetok atogeagani ihoakun. Ihomayoga havaktima atokneakuktaan ilihaotigilogo ihoakun.”

Kaoyjpkayok: Tukihivet Havaamik Naonaeyaotin (January-mi 2014-mi)

Havakatigeteaknik ikayoktigeteakniklo atoktitaagani kigulik *tukihivet* –mik taeyuheoyun atoknikaktok havaami tukleani. Pauktutit-kon kinikheayun pivikhkniginik atokpaaligeagani taeyuheoyun okakatikakhotik, katimaplotik, okaohigivlogolo atokloaktoni aneaktaelinikun ayoetonik havaktikaktun timoeyun. Ukoa ilakaktun Ilitagiyaohimayun Monakhin Katimayen Nunateami Nunavumilo, Ilitagiyaohimayun Monakhin Katimayen Newfoundland-mi Labrador-milo, Kanatami Kitulikaa Aneaktaelinikun Katimayen, Timeoyok Nutagakhalikiyin Nutakeokvili-kiyilo Kanatami, Kanatami Monakhin Katimayen, Kanatamilo Katimayin Ikayoktin Nutakeoktonik. Pauktutit-kulo kinikheayun ikayoktikhamiknik Kanatami Havakveoyomin Aneaktaelinikun Ilitokhaeyinin Kanatami HIV-nik Kanoginigagun Havakatigenin kinikheayaagani atolaktamnik ilaoligeagani Tukihivet taeyuheoyun atoktoni kagitaoyami ilihaotaohimaktoktonik monakhinin.

UNA TUKIHIVET –MIK OKAOHILIKIYOTINUN KATIMANIK

Pigahuni uploni *Tukihivet*: Kanatami Inoen Nuleaknikun Aneaktaelinikmik Okaohilikinik Katimayokveoyok Happy Valley-Goose Bay-mi, Newfoundland-mi Labrador-milo February-mi 2012-mi.⁹ Katimanikmi ilaoyukhan piyaohimayun ikayoktikakhotik nunani havaktonin pikageagani ayikeliklotik amigaenigin okaohikaktoktonik aneaktaelinikulo ayogitonik. Katimanik katiyo-taoyok nunagiyaoyoni monaktin aneaktonik ayokhaktolikiyilo, kivgaktoktin AIDS-nik havaakaktoktonik timeoyonin, kivgaktoktilo pigahonin hitamaogaloen Inoen nunataknnikun timeoyonin. Ilalo, Iniknigin inulgamelo ilaohimayun. Iniknigin pihimayun ayogitamiknik Ineonaktun taeyohiknik inulgamelo okaohikaktun ihomagiyamiknik “uplotoagaagan” atokniginik nuleaknikmin aneaktaelinikun okaohiknik. Ataotimun ihivgeokhiyun havakatigekhotiklo nuptigiyotikhanik avatkomayonik 60-nik taeyuhiknik ihomagiyayoniklo Inoenaktun.

“Akligohuktoga piteakniginik havakpeakniginiklo inoen pihimanigin havaakhamiknik taya aleanaktoklo kuganaktun okaohikaktilogin iglaotaogitukhaogaloanik okaohiknik.”

Ilaoyok: Tukihivet: Kanatami Inoen Nuleaknikun Aneaktaelinikmik Okaohiknik Katimanik (February-mi 2012-mi)

9. Pauktutit-kon atokhimayaen katimayoni ayogitun Tukihivet-mi okaohilikinikun katimanikmik atahikmi uploani okaohigiyaagani tigukluknik C-mik February 10-mi, 2012-mi.

Havaagiyaoyomi titigakhimayun avatkomayun 60 timimik nuleaknikulo aneaktaelinikun taeyuheoyoni ihomagiyaooyulo ihoakhakhimayun ilagini ukoa saevan okoahoyun atuni:

- Agutin timaani (16-goyun taeyuheoyun)
- Aknan timaani (14-goyun taeyuheoyun)
- Nuleaknikun Anealakiyotaoyun (14-goyun taeyuheoyun)
- Ihomaloknaktun Inuyuheoyun (taliman taeyuheoyun)
- Imaoyuyaaktun Anealakiyotaolaktun STI-nik: (hitaman taeyuheoyun)
- Ilitokhaenik (Hunanik Nahogiyakhanik) (hitaman taeyuheoyun)
- Monakhiyotin (hitaman taeyuheoyun)

Kigoani ukoa nuptikniginik katimayotaoyun piyotaoloaktun *Tukihivet*-mik: Tukihoven? tukiheayutin.

“Katimanik ayikotaa kanogileoguhikhaptiknik ihoaktomik monagiyaagani ilagin ayokhaotaoyun Inoenaknik Monakhiyotiknik.”

Ilaoyok: *Tukihivet*-mi: Kanatami Inoen Nuleaknikun Aneaktaelinikun Okoahoyonik
Katimanikmi (February-mi 2012-mi)

Pauktutit-kon ilitaagani katimanikmin, katimakataoyun apigiyaoyun okakoyaoyun katimaneom aolaniganik kanoginiganiklo. Ilagin okaktun hapiknigakhotik havaakhamik, kiheani ikayok-tigeknik ihoaknikateaktok iniktigeagani havaakhan. Ilagitaok ihomayun ukoa taeyuheoyun atoknikateaknigakhogin nakunigakhogolo aolanikateakniga uma. Ilaoyun koyagiyaan Pauktutit-kon ihoakhakmayuk una katimanik taema ila ayoknakneagaloakman nunani atuni katimayotaokatakan.

“Una ayoknaegitok havaak kiheani akligiyaga takogaagama Inoenaknik aknanik havateaktonik akhugaalok.”

Ilaoyok: *Tukihivet*-mi: Kanatami Inoen Nuleaknikun Aneaktaelinikun Okoahoyonik
Katimanikmi (February-mi 2012-mi)

Ilagiloaktalo, ilaoyun tikoakhiyun ilaginin ayokhaotigiyamiknik nuptigivlotik taeyuhiknik. Ilaoyun tikoakhiyulo aalaganiginik Inoenaktun taeyuhiknik nunani, kiheani aalaganigilo ataotimi nunami. Tamakmik Nunavumin Nunavikmilo ilaoyun kaoyiyun aalatkenik okaohiknik okayoktokaktogiyun ilagiyamikni. Ila, Nunavumin ilaoyun kaoyiyun ilagin nunan Nunavumi taeyuhikaginmata agutin eokakniginik aknalo nuleakkniginik. Nunavikmin ilaoyun piyomahimayun nuptigutininik taeyuhik-nun Ugavami Taheoyakmilo okaohikni.

Ilaani, katimanikmi ilaoyun piyageakakhimayun ihoakhageagani ilageaklotilunen taeyuheoyun tukiheanateaktonik tukikageaganilo nunami. Una takukhaoteagutaoyok atoknikateakniganik monakhin nuptigiyilo aalatkenin nunanin havakatigegeagani ukoalo nuleaknikun aneaktaeliyotiniik ayoetun taema Inoenaktun taeyuheoyun ihoakhageagani nunami atoknikateageagani monakhiyotiniilo nalaomayaagani. Ila, Nunavikmin ilaoyun ayokhaktun nuptigeagani atiloaginik ilagin STI-goyun ihomagiyakakloaktun nuptigeagani tukihiyotikhan. ihomayun ilageakakniginik okaohiknik tukiheayotini aneagutiniik nuleaknikun aneagutiniik Kupilgiyotiniik, Aokluknikmik, Aneagepkotikateaginik, tigukluknik A-lo tukikateageagani nunami.

“Inoen okalakiyotiyaen aneagutiniik, ihomagiyaogitonik ihoetomik.”

Hivunikhikpaeyi: Tukihivet-mi Havaami Naonayaenikmik (January-mi 2014-mi)

Nunatsiavut-min ilaoyun ayokhaotikavyaktun STI-nik taeyuhiknik tukitaagutiniiklo, kiheani naetomik itkaomayotimik okaktun, “Ilagin STI-goyun nuvakmeginakmata timimilo imagiyaeni heamayalaakhotiklo ima – uhoen pugun nutkaktiilaaktaen haemayaknigin.” Okaohikmi “itikun nuleaknik” ikayoktigen ilageagutikaktun “...uvinea iloani iteom ikpiknaktok anilaanoakhonilo.” Ilalo, taeyuheoyun pihimayun okaohiknik ilaogitonik titikani ila nuleaknikun aniktoenik, anuginageagani nuleaknik, agutenaen nuleaknigin, aknaenaen nuleaknigin, agutiniik aknaniklo nuleaknik.

Okaohikmi naonaeyakniganik STI-goyun, Nunavumin ilaoyun titikan ilakageakaktun ukoa agutin aneagutilgin tuniyoayaagani ulikhamiknik ataktaagiktaotaotik. Okaohiknik halumaelgunik kupilgunoaniklo, ikayoktigen ihomayun aneaktun ihomayageakagitun kanogileolaekniginik aneagutikaligumik kupilgunoanik, aalagulaaktaen titikan taeguktaoyaagani ima “monagiyoolaktotin nalumaetukpan, kiheani kupilgunoen, ikayoktaolaktotin aniknaetaagani aneagutn.”

“Ihomaguma unagukneaktoga agilgaguma, kiheani kitukpalohutaoneaktok akhun havateaknikmin.”

Ilaoyok: Tukihivet-mi: Kanatami Inoen Nuleaknikun Aneaktaelinikun Okaohiyotiniik Katimanikmi (February-mi 2012-mi)

Ihoaktomi aneaktolikiyotinin nuptigiyin, ilaoyun kaoyipkaeyun tamaenivyak akhugutaoyonik okaohigiyagaani nuleaknikun aneaktaelihotiniik. Okateaktun atogitaagani taemani pitkoheoyun okateaginhokniginik nuleaknikun inuyutaoyonik ilaani taemaehimakman “taonani” ayoknaknigalo okaohigiyagaani atokuyaogitun itikun nuleaknik. Aalataok ihomalun una Inoen inulgamen okateagoekpagaen timim ilagin, takunakhoni inulgamen ilitaagani nalaomayonik aneaktulikiyotinin taeyuhiknik Inoenaknin, ilagin katimanikmi ilaoyun kaoyipkaeyun nuptigeagani Inoenaktun taeyunik Kavlonaatun ataohenaolaktok taeyuhik amigaelotiklunen.

Aolanikateakniga *Tukihivet*: Kanatami Inoen Nuleaknikukun Aneaktaelinikmik Okaohoyunik Katimanik naonaegutaoyok atoktukhanik aheni havaami ilitokhaotnik okaohoyunik ilitkohikniklo kaoyimayotnik.

HATKIGEAKNIGA *TUKIHIVET TUKIHIVIN?* TUKITAAGUTIN

Tukihiven okaohiknik katimayotaoyok avatkooyotaoyok nahogiyayonik kigoanilo piyotaovlonilo tukitaagutnik talimani Inoenaktun okaohiknik hitamaogitoni ihomagiyaaolgaktoni. Piyotaoyok *Tukihivet*-mik: *Tukihiven?* tukitaagutnik hivonikhiyotayok Aokluknikmik Kupilgiyotniklo nuleaknikulo aneaktaelinikun okaohiknik Kavlonatun, Inoenaktulo okaohenik Nunavik-mi (Taheoyakmi Ugavanilo), Nunavumi, Nunatsiavumi, Oalanikmeonilo.

Tukihivet: *Tukihivin?* tukitaagutin aalatkenik kalakaktok 34-guvlotik makpiknigin okaohikakloaktomik agutin aknalo timenik, STI-niklo, kaoyihaktaonik, monakhiyotnik, atogitaaganilo piyotnik. Makpigaak taya kahaktuk amigatpalagitotik ayikotaleogan, Kivliktonoani, kagitaoyamilo Pauktutit-kon kungealeogaeni Facebook-milo kungealeogami. Atolaknigalo makpigaan pilaktok CATIE-kon kungealeogaeni kagitaoyami.¹⁰

Ilagani Havaam 1, Pauktutit-kon katitikhimayaen kanogilnigin kanatami okaohilikinikun katimanikmin hatkikhivlotik tukihiyotnik. Havaagiyaaotilog 2, Pauktutit-kon ihoakhaeyun atokhotoklo tohaomayotninun inulikiyotnikulo atuligumayaenik inoen kaoyimaligeagani atogeaaganilo tukihiyotnik. Akhugutaoyok atolikoyaoniga ihoakotnik aneaktonik monakhinin Inoenakniklo kituniklikaa. Opalotaeyaon ilakaktok, amigaeyaknigin atokpaalogutikhanun ihoakotnik, upipkaklogilo ilaoyun tohaktiyotitigun, okakatigilogin, aalatkenilo okakveoyoni.

Iniktikaolaogumayun taya inoen kaoyimaligeagani nalohoegeaganilo Inoen taeyuhenik piyotikaktonik Aokluknikmik Kupilginiklo ayogoekpaaligeaganilo okakatigegutaoyaagani nalaomayonik hivonikhiyotnik Inoenaknun aneagutikaktonun. Hivunikhami iniktigumayaen ikiklivaaligeagani aalaganigin ukoa aneagiyuhen Inoenan aneagiyuhelo aalat Kanatameotan, ukoaloalo, ihoakhivaaligeagani aneaginigin ukoa Inoen aneagutikaktun Aokluknikmik Kupilgiyotniklo.

Uvuna *Tukihivet*-kon: *Tukihivin?* tukitaagutini kahaktun tamaenun Pauktutit-kon kagitaoyami kungeani Facebook-milo, nahogiyun atokloaktukhan ukoa aneaktonik monakhiyun ayogitulo katimayin timeoyulo (ila, havaotilikiyin katimayin, monakhin katimayin, ilihaktunilo). Aalalo atulaktun ukoa okaohilikinikun ilitkohilikinikulo ayoetun ilaoyulo ila Inoenaknik kivgaktoktink timeoyun, kavamaogitun timeoyun, kavamanilo havaktun. Atokniga tukitaagutin atoknikaktok aktoknigeagani amigaenikhanik Inoenaknik ayokhagoegeaganilo Inoen okaohigiyaaagani aneaktaeliyotnikun okaohoyun ilaoteaklotiklo nanminik aneaktaeliyotigiyamikni.

“*Tamaeni nakugiyaga una ihoakun; nakugiyaga ihoakhakniga tamaetalo okaohoyun ataotimenigin makpiknigani.*”

Hivunikhipkaeyi: *Tukihivet*-mi Havaami Naonayaenikmik (February-mi 2014-mi)

10. URL: <http://www.catie.ca/en/resources/tukisiviit-do-you-understand>

Atokloaktok Havaami 2 tohaomayotinun atoktinigagulo atuligumayaenik una opalogaeyakniga kanatami nunanilo "hatkiknigagun" hulilogagutin kaoyimayoaligeagani, tuneokhakpaleayaaganilo, okakatigekpalayaaganilo. Pauktutit-kon agiklipkaeyun atokniginik inuknik tohaktiyutin atoktaovaaligeagani tukitagutin Inoen nunaeni nunagiyaoyonilo humilolikka aneaktulikiyini. Pauktutit-kon ihoakhaehimayun kungeakvikhanik Katimatilogin Nutakeoktilikiyin Nutagakhakakveniklo Aknan Monaktin Kanatami katimanigani, Inoen Ukeoktaktomin Aneaktaelinikun Katimanigani, aviktokhimayoni nunani ukeoktaktomilo monakhin katimayen katimanigani, ilihakpaalikviknilo aneaktaelinikun havaakagumayun katimanigiyaeeni. Ilalo, atoteaknaohakhimayun kagitaoyakun aneaktolikiyotini kungeakveoyun nalaotikulo tohaktiyotini *Tukihivet*-mik ihoakunmik.

Kanatami haviniga *Tukihivet* ilipkamayaoyok Pauktutit-kon Ukeotoagaagan Katimakyoanigani March 4-min 7-mun 2013-mi. Kiheani, *Tukihivet* kagitaoyami kungeakhak havihimayok November 6-mi 2012-mi nunagiyaoyunilo hatkiktitaoyok hivoani kigoanilo kanatami hilivoeyomi.¹¹

- Winnipeg-mi (November 30-mi 2012-mi): Ikayoktigivlogin Manitoba-mi Inugeagitoni Inoen Katimayin, Pauktutit-kon nunami havitiyun Winnipeg-mi, Manitoba-mi ataotikun Nunakaktun Kupilginiginik Aneagutikaktun Kaoyimayaonigini Uploeni (AAAW-mi). Nunagiyaoyok aolaktakveoloaktok Kivaliknun Nunavumi.
- Winnipeg-mi (December 1-mi 2012-mi): Havitaotilogo AAW-mi hulilokagun ihoakhakhimayaan CAAN-kon, Pauktutit-kon tuneokhaeyun ayikotaenik Tukihiven Tukigagutinik.
- Ikalokni (December 1-mi 2012-mi): Nunavumi havitaoniga inulgamen kaoyipkagaotilogin AAW-mik hulilogagunmik Ikalokni monagiyaaniklo Pauktutit-kon Nunakaktulo Inulgamen Nuleaknikun Aneaktaeliyotini Ikayoktigeni, Nunavut Tungavit-kon Kanatamilo Inoen Inulgamen Katimayin. Ikayoktigekhotik tohaktitiyun Pauktutit-kon, Kavaman Nunavumi, CAAN-kon, Kanatamilo Inulgamen Katimayen. Tohaktitiyun Nunatsiak-mi Tohagakhaliyini CBC-konilo Ikalokni.
- Kukoami (January 19-min 24-mun 2013-mi): Nunavikmi haviniga Tukihiven pihimayok Pauktutit-kon Tugukluknik C Atuligumayaenik Opalogaeyakniganik Katimatilogin Kukoami ataotikulo katimatilogin Nunavikmi nunagiyaoyoni havaktin.
- Atoami (February-mi 2013-mi): Nunami havitaoyok Atoami Inoen Kitulikaa Aneaktaelinikun Havaakaktun Ikayoktigen katimatilogin.
- Atoami (March-mi 2013-mi): Hulitaok nunami havitaoyok Atoami katimatilogin NiCoH-kon.
- Inuvik-mi (July 9-mi 2013-mi): Inuvealoen nunagiyaani havitaoyok Inuvikmi Pauktutit-kon Inoen Kagutilikiyitinin Taeyuheoyonik Katimatilogin. Hulilogaakvik pivikhakakveoyok katimayoni ilaoyun nahogiyakhamiknik havaamiknin kagutilikiyotinin taeyuheoyonik.

Okaheoyomi *Tukihiven* ihoakun takupkaktitaohimayok aheni aneaktaelinikun hulilogaagutini, katimaniganilo Katimayin Nutakeoktolikiyin Nutagakhakakvenilo Aknan Kanatami Calgary-mi, Alberta-mi. Avatkomayun 2-hanat *Tukihiven* Kivliktonoen Kaemalogiktun tuneokhaktaoyun malguklo sikuktitiyik ilaoyuk katimanikmi okakmanik atokneaknigakhogin ihoakotikhan ilihaktiyotigilogo.

Pauktutit-kon ikayoktoeyun Kanatami Havakveoyomik Aneaktaelinikun Iitokhaeyinik Kanatami Aokluknikmi Uktokniganik Ikayoktigeni upihimaenaktun ihomakhakheokteovlotik. Ilalo, *Tukihiven*: *Tukihiven?* tukitagutin ilageagutoakmata Itkaomayotini Iihakpaalikvikmi Newfoundland-mi kagitaoyami Atokhimaginiganik Monakhiyotini Iihakveani monakhin taaktilo..

11. *Tukihivet: Tukihiven?* kagitaoyami ihoakotikhan kahaktun uvani
URL: <http://pauktutit.ca/tukisiviit/>

Atoktilogo Havaak 2, Ikhivaotalik Pauktutit-koni apikhoktaoyok *Tukihiven* –mik CBC-konin Yalonaemin, CBC-konin Saloenin, CBC-konin Ikaloknilo. Ilalo, ihoakotin titigakhimayonik kagitaoyakulo tohagakhaliyinin. Unaloak, Nunatsiak-mi Tohagakhaliyinin unipkaakturn November-mi 2012-mi takukhaovloni tamaeni Inoen Nunagat-ni titikani Kagitaoyakulo.¹² Unipkaalo titigaktaoyun Toronto Star-min metronews.ca –konilo.¹³

April-mi 2013-mi, tohaktiyutikhak Katimayin Nutakeoktolikiyinin Nutagakhakakvenilo Aknan Kanatami (SOGC-kon Tohaktiyotaen) hatkiktitiyinin *Pauktutit-kon Inoen Aknan Kanatami: Takukhaotekanigin ataotim ikayoktigiyapta*, okaohikaktomik Pauktutit-kon havaagenaktaenik Aokluknikun Kupilginikulo havaanik okaohigivlogolo *Tukihiven* –mi okaohilikinikun katimanik tukitagutulo. Unipkaak okaktok kanok *Tukihiven* havaak ayikoheoktaoniga ikayutinik atoknigagun Inoenaktun ihoakhivaaligeaganilo Inoen aneaktaelinikun okaohen.

Mameani, ikitun havakhan hulilogagutikhalo Havaami 2 kiguvakhimakmata taemaktaovlotiklunen. Ila, aneaktaelinin kugeaktiviten havakatigilogin Itiktaohimayonun Ikayutinik Kanatami itiktaovikni havakton Inoelo ihoenakhimayun atoktakhaenik Beaver Creek-mi Fenbrook-milo itiktaovikni Gravenhurst-mi Ontario-mi ipigaktaokmata. Aalat takukhaovaaligutinun hulilogagutin aneaktaelinikun timeoyolo ipigaktaokmata atoktaoligeaganilo ihoeliyukmata.

TUNEOKHAKNIGA *TUKIHIVEN* –MIK TUKITAGUTIN

Pauktutit-kon atogumayun kungeakhakvigiyaminik kagitaoyami ihoakotigiyaaganilo tuneokhaeyotikhamik *Tukihiven*-mik: *Tukihivin?* tukitagutinik. Atoktaovaalikoyaoyok Facebook-mi kagitaoyami ilaoyotilo aheni ihoakotini kungeakhani, ila CATIE-kon kungealeogaeni. Pauktutit-kon haavitiyinin 1-taosinik titigakhimayonik ayokotaenik Kivloktonoaniklo Kaemalogiktoni tukitagutin piyomanonigilo amigaetun. Tamaeta 53-goyun Inoen nunagiyaen pihimayun titigakhimayonik Kivliktonoaniklo Kaemalogiktonik nipinik (talimaoyunakhiyun ayikotaen atuni) ayikotaelo tuneokhaktahimayun ukeoktaktomi aneakviknun. Ilalo, ilaoyun Havaami Ihomakhakhoektin Kamiteoyok havaamilo ikayoktun ilaoyulo pihimayun ayikotaenik, ukoalo NiCoH-koni ilaoyun, Inoen Kitulikaa Aneaktaelinikun Havaakhitaoyun. Ayikotaelo tuneokhaktahimayulo ilaoyonun Pauktutit-kon Katimayin Hivolikhoktin, katimayaotoktonulo Pauktutit-kon 2013-mi Ukeotoagaagan Katimakyoktilogin, kanatamilo Ministaoyok Aneaktaelinikun, kivgaktoktilo PHAC-koni, havaamik nanihiyun.

Aalatkeni haavitiveoyoni hivonikhiyotikhanihulo hulilogakveoyoni ihoakhaktahimayonik piyotigivlogolo *Tukihiven*, titikani Kivliktonoanilo Kaemalogiktoni ayikotaenik toniyaohimayun ukoak katimakataoyun. Ila, Ukeoktaktomi Aneaktaelinikun Havakveoyok Manitoba-mi pihimayun 25-nik ayokotaenik Katimayin Nutakeoktolikiyinin Nutagakhakakvenilo Aknan Kanatami katimakmata Calgary-mi, 3-hanat Kivloktonoen Kaemalogiktun 2-hanatlo titigakhimayun makpigaani tuneokhaktahimayun. Ilihakpaalikivikni sikuktitiyinin aalatkeni aneaktolikiyinin sikukveni tukhikhi-mayun pihimayulo ayikotaenik *Tukihiven* tukitagutinik ilaoligeaganilo sikuktitiyotaeni, ilihakpaalik-tulo tukhikhi-mayun ayikotaenik. Pauktutit-kon tukhikvigiyahimaginaktun ihoakotikhanihulo.

Kagitaoyami ihoakotikhak, atokniga *Tukihiven* tukitaagutin amigaetun. 11-ni tatkihheetini November-min 2012-mi September-mun 2013-mi, 945-goyun kagitaoyami kungeakhimayun Pauktutit-kon kungealeoganik ihivgeogeaganilo ihoakotikhanihulo. Amigaeknigin kagitaoyami ihivgeokhiyun ataotigukhi-mayun havaam havitaoniga takukhaovaligutinulo hulilogagutin, naonaegutaoyok atokniginik ukoak hulilogagutin upiyotaoyaaganilo atokniginik amigaetkiyanulo tuneokhageaganilo.

12. Takologo Nunatsiaq Online. URL: http://www.nunatsiaqonline.ca/stories/article/65674pauktutit_publishes_inuit_language_sex-health_word_book/

13. Takologo, ayikotaa, una Toronto Star. URL: http://www.thestar.com/news/canada/2012/11/17/inuit_health_group_is_giving_voice_and_vocabulary_to_sex_terms_in_inuktitut.html

Ukeoktaktomi aneaktonik monakhin ataniktoeyulo taya avanmun atokatigektun *Tukihen* –mik tukitaagutinik. Ilagin atoktaan nuleaknikun aneakaelyotinik ihoakutigivlogo ayokitutigivlogolo, titigakhimaliktoklo ilagini pitkoheoyoni ihoakotinilo makpigaani. Naonaeyakniginin kanoginiga-gun amigaetun ukpigohuktun una tukitaagun ayoknaegutiyok hunaniklikaa kivgaktoktaoyonin monakhinilo okaokatigegeagani nuleaknikun aneaktaelyotin.

HAVAAK NAONAAYAKNIGA KANOGINIGANIK

Takukhaoteageagani atokniganik pitkuheoyun pivaleaniganik *Tukihivet*: *Tukihivin?* tukitaagutinik, Pauktutit-kon ilaogyun hakugiktomik naonaeyakniganik ilaoni havaam. Ilitokhaeyi havaktitaoyok katrakun hivoani havaam ihoakhaeyaagani lhomanateaktomik Atoktukhamik inikhiyaaganilo kanogileoguhikhanik ihageagiyaoyonik ilitokhageagani havaam atokpaleaniga kanoginigalo kigoagun, titigageaganilo ilitogiyaoyun. Ihomagiyaoloaktok aolaniga upiyotin, okakatigegutin, havakatigeknigilo Pauktutit-kon. Tamaeni, ilitokhaeyi tunihimayok talimanik unipkaanik ukunani *Tukihivet* –mi Inoen Nuleaknikun Aneaktaelyotinik Okaohoeyun havaami.

Naonaeyaenik ilakaktok ilaoyageakakniginik, ikayoktikekniginiklo aolanikmik. Una ilakaktok:

- Okakaktigiyaonigin Pauktutit-koni havaktun, havaami ilaoyun, katimanikmi ilaoyun, ahelo ilaoyun.:
- Ihivgeokniginik havaam titigakpaleanigin atokpaleanigagulo opalogaeyaotin;
- Ihivgeoklogin inuknin atoktaovaleanikkaa tohaomayotinulo atuligumayaenik;
- Ihivgeokniganik tuneokhahniga *Tukihivet* –mik tukitaagutin, tohaktiyotin, tohagakhalikeyilo titigaagin, atoknikaktulo inoen atokpaleanigagun hulilogagutin Pauktutit-kon kungealeogaeni kagitaoyami Facebook-milo;
- Ilitoknigin hulilogagutin ila katimaneoyun, okaotaonigin, inikhimayulo haavitaoniginik.

Katipkageagani ayoetun ayogitulo aalakenin havakveoyonin atoknikateaktok havaam aolanikateakniganik. Ila, kanatami okaohilikinikun katimatilogin Happy Valley-Goose Bay-mi, naonaeyakniga kaoyiyotaoyok aneaktaelinikun, ilitkohilikinik, okaohikniklo ayoetun aalalo ilaoyun ilitakhikmata atokniganik ikayoktikekneom. Ilaoyun okaohikaktun kanok katimanik koyagiyutigikpeaktaan pivaleakman aneaktolikinikun tukitaagutin amigaetoni Inoen okaoheni katitipkaleanigagulo upiyotaoteaktok anigugeagani ayoknahnigin nuptiknigagun aneaktolikiyotinun taeyuheoyun amigaetoni okaohikni. Kigaoani, ilaoyun ilitakhiyun una hulilogaakvik kaoyivaaligutigiyaan Aokluknikmik Kupilgiyotiniklo nuleaknikulo aneaktaelyotinik taeyuheoyun.

Kigulik inikhimayok hatkikhiyotaoyok nakoyunik ihomagiyaoyonik. Ukoa ilaoloaktun havaami akliguhuktun kilamik iniktiktaovaleakman. Inoen okakhimayun tutkikniginik ihoakotin, piyotaokman ihageagiyaoyomik, kanoginigalo ayoknaetukman atogeagani, kalakateakhoni, upiyotaoteakhoni, atogeaganilo ayoknaeniganik.

Kanogiligin *Tukihiven* –mik havaami naonaeteakneakun hivonikhami. Hivoani tayalo kanoginiga tuneokhaeyotaoyok *Tukihivet* –mik tukitaagutin aneakviknun okaohilikiyonulo tamaeni Inoen nunagiyaeni ukeoktatomilo aneakviknun, aneakviknulo monaktinulo hivugaani Inoenaknik aneakvileaktokakpaktun. Tukitaagutinun, ayogoekneaktun okakatigeteageagani Aokluknikmik Kupilgiyotiniklo piyotikaktomik Inoenaknun nunani. Inoen tohaktiyutaeni tohaomayotikhanilo, havaam tukleani agikligeakhimayok tuneokhahniganik ayoetonin havakveoyonun ilihakveoy-

onulo takuplaehimayulo kaoyipkageagani Inoen humilika tukitaagutinik. Taemaeniganun, havaak aolanikateaktok. Kanatami nunanilo haavinigin, upipkknigilo ayogitonik havaktikaktun timeoyun, amigaetonun tuneokhaeyotaoyok titigakhimayonik Kivliktonoaniklo Kaemalogiktonik Tukihivet –mik tukitaagutinik. Unaloak, inuknin tohakveoyok tohaomayotiniklo takukhaovaa-likniga ilaovaaligutaoyok kagitaoyami tukitaagutinik. Kulini tatkihheotini kigoani aolaktikniganik nunani haaviniga nuguliktilogo November 2012, una Tukihivet –mik kagitaoyammi kungeaktao-himayok 945-nin inuknin.

Kiteani kanogiliniga havaam piyaagani tukitaagutin atoktaoniganik ayikektomik aneakvikni ikaloktonilo. Tuneokhaktaoniga talvatoaguginman, kiheani atokniga – monakhion atogeakaktaan tukitaagutin Inoen kaoyivaaligeagani naluhoegeaganilo Aokluknikmik Kupilgiyotiniklo nuleakni-kulo aneaktaeliyotin. Kagugo, una ikayutaoneakman nakutkiyanik aneaktonik ikayutinik Inoenan-knun aneagutikaktunik Aoklunikmik Kupilgiyotiniklo, amigaekpaaligeaganilo atoknigin ikayutin, ikayutaolonilo aneaktaeliyotinun, akikhivaaligutaolonilo aneaktonik monakhiyotinun akitoniginik.

Kaoginiganun naonaeyaotin titigakhimayok ayokiktutikhanik aolapkageagani taemaetomik havaamik, ilihaotin piyotaoyun atoktukhamik aolanikateaktomik ikayoktigitonikun ilaoyulo upipkkniginik.

1. Ikayoktiginik hivoliktoktikateaktunik upipkaenagaen ahikugitaaganilo aolapkaetiligin amigaetonik havaanik hulilogaagutiniklo, ikayutaoyonik ikayoktigin tamaenik namagiteak-niginik kigoani inikhimaliktok.
2. Hakugiktun, tunikhimayun aolanikateaktomik havaami ikayoktigin nakuyumik ihoakhaehi-mayun kanatami okaohilikinikun katimanik aolapkaktitogulo pivaelaniga amigaetonik okaohikaktok tukitaagutin ukununa tikaotaoniginik ayogitun nupkigiyyin ayogitulo titigaoyakniginik kagitaoyamilo kungeakhaleoktin.
3. Ilaoyun okaohilikinikun katimanikmi tikoaktaohimayun ikayoktigitonigin nunani havaktun naamateageagani kaveonigin okaoheoyun, ilitkoheoyun, nuleaknikulo aneaktaelinikmik kaoyimateaktun.
4. Kanoginiga okaohilikinikun katimaneom ihoakhaknigalo iniktigakhak atoktaoyok pivaleani-ganik amigaeton nuptigutin pivaaligutaoyok okakatigetektunikmik ilaoyonin ikayoktigitokho-tik anigugutaoyok akhugutaoyonik havageami amigaetoni okaohikni.
5. Ilaoyun nanmigilikhimayan Havaak ila ikeanaekhimayok, upiyotaovloni, havakatigeguti-givlogolo ilaoyun.
6. Inuknin piyaovalayaagani iniktahaaklo atoktaovaaligeagani havaagiteaktaoyageaktun kigoani atoktun ilitagiyaonigin atoktaonigalo inikhimayum.
7. Havaak naonaegutaoyok tuneokhageakkniganik tukitaagun aneakviknun, monaktinulo kanatami, aviktokhimayonilo nunani, nunagiyaoyonilo, aalatkenulo ilihakviknun.
8. Havaak takupkaktiyotaoyok ilaoyomanigin aneaktonik monakhin timigiyaelo havakven kahakniganik inikhimayonik imaetonik.
9. Havaak ilaoyotaoyumahimayok kanatami hilakyoamilo pitkohikhateamik ihoakhivaaligea-gani aneaktaelinikun kanogilinigin Nunakaktun inoen.

Ilageagutin iniktigutinun pihimayun naonaeyaenikmin ilaktok ukuniga:

1. Atulikoyaoniga nunagiyaoyoni ayoekhayaagani ayoekhavikageaganilo atoktaovaaligeagani *Tukihivet* –mik tukitaagutin;
2. Atulikoyaoniga ilaoligeagani nunagiyaoyoni tohagakhalikiyin inikhimayok takukhaovaa-ligeagani ila Kitulikaa lkayoktaoniginik Tohaktiyotini;
3. Agulikoyaoniga pivaleanigin ilageagutikhan amigaetoni okaohikni ihoakotikhan tukita-agutitun atoknikaktun, kahaktun, ilitkohikmilo ihoaktun;
4. Naonaeyaklogin atokniga ilageagutikhan ihoakotin tuneokhataovaaligeagani atokniga tukitaagutin, nivigagakhalo taegoakhan piksalo takupkaktitaeyotini taeyuheoyok okaotaoyok.

INIKTIGUTIN TUKLEOYULO APLOGEAGUTIKHAN

Aolanikateakniga Tukihiven Inoen Nuleaknikun Aneaktealinikmik Okaohik havaak piyotikaktok kanogituniganik upiyotikhan, okakaktigegutin, havakatigegutilo. Hivoanin, 2009-mi Inoen Kantami Pitkohenik Katimakyoaunikmi Nuleaknikun Aneaktaelinikmik, Pauktutit-kon katipkaeyun monakhinik, aolakpaeyinik, okaotaoyomiklo kaoyimateaktonik naalageagani ilitaaganilo. Talimani ukeoni atuligumayaenik opalogaeyoan nuleaknikun aneaktaetaagani pihimayok aolanikateaktomik kanatami pitkohilikinikun katimanikmin. Okaotaolokatok katimayonin amigaenikhan nakutkiyalo aneaktolikiyotini taeyuheoyun ihageagiyaoniginik Inoenaktun ihoaktomik okakatigiyaagani Inoen aneagutikaktun ihoakhivaaligeagani monaktaonigin ikayutilo.

Aolanigani atokpaleanigata *Inoen Talimani Atuligumayaenik Opalogaeyoan Nuleaknikun Aneaktaelinikmik*, Pauktutit-kon pihimayun manikmik ikayutikhanik PHAC-konin havaagiligeagani *Tukihivet* Inoen Nuleaknikun Aneaktaeliyotini Okaohiknik havaak. Ilataok, ilagiyaoteaktok havaam aolanikateakniganun ataotimuktitaagani ilaoyun ilihageagani havakatigegeaganilo ihoateaktomik atogeaganilo ayoknaetomik tukitaagutinik aneaktolikiyotinin taeyuheoyun okaheoyoni Aokluknikmik Kupilginikmiklo nuleaknigulo aneaktaelinik. Tikoakteotilogin Ihomakhakheoktin Kamiteoyok ilaonikaktok Inoen nunagiyaenun kivgaktokhotiklo Inoen timigiyaenik Aoklukniklo Kupilginiklo aneagutikaktomik ikayoktigen, kanatami okaohilikinikun katimanik ihoakhaktaohimayok. Ilaoyun ilakaktun okaohiknik ayogitonik, nuleaknikun aneaktaelinikun pikaktomik ayoetun, nunagiyaoyoni aneaktaelinikun inuhikmilo ikayutikhanik havaakaktun, Kupikginikmilo lkayutinik Timeoyun, sikuktitiyin, iniknigin, inulgamen, kivgaktoktilo Inoen nutataknikun timeoyonin. Ikayoktigitokhotik havaagiyaen ukoa havateaktun inoen piyotaoyok hatkikniganik *Tukihivet* –mik: *Tukihivin?* tukitaagutin.

Ihoakotigiteageagani nahogiyoaniga toktaoteakniga *Tukihivet* havaak, Pauktutit-kon tohaomayotnun tuneokhaktaonigagulo atuligumayaenik atoknikaktomik taya hulilogaakveoyoni katimaniknelo. Ila, Nunakakaktun Aokluknikmik Kaoyivaaligeagani Uploeni kuveahutikaktilogin 2012-mi pivikhakakveoteaktok okaohigilgaageagani *Tukihivet: Tukihivin?* tukitaagutin aplukpaaligeagutigilogolo nunani havitaoniganik. Pauktutit-kulo atokhimayun ayogitun katimaniginik takupkaktitaagani tukitaagutin.

Ilataok, una *Tukihivet* tukitaagutin atokhimaginakneakok makpigaak. Kagitaoyami ihoakotaoyok uvani Wikipedia-mi nutaguktiktaohimakloni okaohilikinikun ayogitonin, Inoenaktun aneaktolikinikulo taeyuhiknik hatkikpaleayonik hivunikhami.¹⁴ Hivunikhami iniktigakhak kaoyivaaligeagani

14. Inoenaktun okaheoginakneaktok nahogiyaoyoklo nuleaknikun aneaktaelinik monakhilo okaohen nutagukpaleaginakneaktun hivunikhami.

Aokluknik Kupilginiklo anigugeagani okaohini ilitkohinilo ayokhaotin hatkigeaganilo nakutkiyanik teayuhiknik aolagitok. Inoen kaoyivaaligeagani ilitpaaligeaganilo nuleaknikun heamayaalanik aneagutunik kilamik pilimaginman. Aalagukpaleanigin Inugeaknigin, aneaktaelinikulo havaagilgaaktukhan, aalagukpaleaniganiklo ukeoktaktomi manikhakheogutin piyotaoyun havaagenageagani hivunikhami.

Aplogeagutikhani, Pauktutit-kon kinikheaneaktun ilageagutikhanik maniknik ikayutikhanik ilavaaligeagani *Tukihivet* Inoen Nuleaknikun Aneaktaelinikmik Okaohoyunik havaak pigahuni ukeoni atuteageagani aolanikateknigiyamiknik hivoani. Pivikhakageakaktok atokpaaliknigagun kaoyiyotunik ihoakotin atoktaovaaligeaganilo. Ila, Pauktutit-kon havakatikagumayun Itiktaohimayonun Ikayutunik Kanatami ayoekhayaagani aneaktonik monaktenik havaktun havakatigilogilo Inoenan itiktaohimayun. Ilalo, ilageagun Pauktutit-kon pivikhakaktineakmayuk atuteageagani tukitaagutini Aokluknikmik Kupilgiyotuniklo kaoyimayaoyun naonaeteageaganilo taya hivunikhamilo kanogiliniganik havaam.

Opalogaeyagaoyun naonaeyakniganik hulilogaagutin ilakaktun ikayoktigeloan ilitokhkniganik ilagilogo agiklivaaligeagani Nuleaknikun Aneaktaelinikmik Ayogeogutin Ikayoktukpaleayulo Nunagiyaoyoni uvani Inoen Inuyun Aokluknikmik Kupilgiyotuniklo aneagutikaktun havaami. Una ilitokhaenikun ikayoktok atoligumayaenik opalogaeyaonmik katimanikmik nuleaknikun aneaktaelinikmik Ikalokni 2009-mi pivaleaniganiklo talimani ukeoni atuligumayaenik opalogaeyaon nuleaknikun aneaktaelinikmik. Taya takuvaageakaktok una ilitokhknik naonaeegeagani kaoyimayaoliktun pitkoheoyulo Inoenaknin uplomi. Pauktutit-kon naonaeyaeyomayun kanok ihoakmagaa kaoyipkageagani Inoen nuleaknikun aneaktaelinikmik kanogaaloklo Inoen atogoekpaalikmagaa aneagutigilaaktaen Aokluknik Kupilgiyotilo, tigukluknik C-lo, STI-lo, STBBI-lo.

Atogumayaoyok ilageagutikhak Pauktutit-konin ataotimuktigutigilaaktaen havaagilgaagumayatik upiyutikhalo malgukni ikayoktikekni atoligumayaenik oplaogaeyaotikni: ininoaktok *Inoen Talimani Ukeoni Atoligumayaenik Opalogaeyaon Nuleaknikun Aneaktaelinik* (2010-min 2015-mun) nutaaklo *Inoen Talimani Ukeoni Atuligumayaenik Opalogaeyaon Tigukluknik C-mik* (2013-min 2018-mun). Tamaknik atuligumayaen hivuleopkaktaen aneagutin kaoyimanigin atogitaaganilo, aneaktaelinikulo atokpaaligutunik naonaeyaotuniklo, ilitokhaotuniklo. Ilaogihimayok atuligumayaenik opalogaeyaon hivumun pivaaligeakneaktaen inigekhimayun Aokluknikmik Kupilgiyotuniklo nuleaknikulo aneaktaeliyotun iloani atuni aneagutaoyun – ihomagiyaoniga Aokluknik Kupilginiklo, tigukluknik C, TB-kaknik, ahelo STBBI-goyun, okaohoyageakaturun ilageklotik ihoaktomik.

Pauktutit-kon havakhimaginaktun Aokluknikmik Kupilginikmiklo, nuleaknikun aneagitaagani, tigukluknik C-lo, Inoen inugeaknigin ukeokitun, aolagikhotik, agiklivaleaginaktulo. Napaenin inugeaknigin Inoen ukeokagitun huli 25-nik nuleakpaleaginaktulo ukeokitotik. STI-nik aneagutikaktun amigaetun Inoenakni Pauktutit-kon ilitokhaetaeni naenaektok amigaetun inulgamen inoen aneagutikalaktun hulyotimiknin. Taemaenman, atokhimageakaktok ilihaotikhanik kaoyiyotikhaniklo aneagutin atogitaagani ilotikhaktaonigilo.

Ukeoktaktomi manikhakheogutin aalagukpaleaginaktun ihomalutaoloaktoklo ihoakotini piyaagani havakveoyun, oyagakheoktiloan, heamayaotineaktun STI-nik STBBI-niklo. Tikitpaktun, havakhaoyetulo hivugaanin tikitageakaktun aolaklotiklo aneagutaetomik. Inoen kaoyiyageakaktun mikhivaaligeagani manimiyotimiknik nuleaknikun heamayalaanin aneagutunik nuleaktaonikmikniklo, ililotik anagutaolaktonik inuyun nuleaknikun. Ikayoktikegeakaktun ihoakotunik pivaleayun havakven kaoyivaaligutunik atogitaaganilo ukoa havaktimiknin. Pauktutit-kon ukpigohuktun ilaonikateageamiknik uvani havaami.

Upiyotikaklotik atuligumayaoyonik opalogaeyaonmik nuleaknikun aneaktaeliyotiniik piyotaoyo-
mik ihageagyaenik kanoginiginiklo Inoen, Pauktutit-kon inikhineaktun atoktukhammik kigoagun
Kavlonaatun Inoenaktulo tukitaagutiniik Aokluknikmik Kupilgiyotiniiklo nuleaknikulo aneaktaeliy-
otiniik tukiheateaktaenik nunagiyaoyoni. Amigaetoni okaohikni *Tukihivet: Tukihevin?* tukitaagutin
pihimayok ikayotigekhotik havakatigekhotiklo okaohilikinikun aneaktolikiyilo ayogitun ilaoyo-
kakhimavlonilo nunagiyaoyonin, nunanilo, aviktokhimayonilo, kanatamilo inuyunin. Una ihoakun
ikayutaoyok ayogoegeagani ukeoktaktomi monakhin okaohigiteageagani ihoaktomik Inoenak-
tun tamaetalo Inoenan monaktaoyun ikayutaovlonilo nakunikhamik monakhiyotiniik ikayutiniklo
atogumayaoyonik. Tukitaagutin pivaaligutaoyok Inoenaknin ihomaleoteageagani aneaktaeliyo-
tigiyaamikni ilaonikateaklotiklo aneaktaelinikun monakhiyotimiknik.

